

# SCRIPTA

**Numéro Scripta :** 705

**Auteur(s) :** Jean de Bailleul [chevalier]

**Bénéficiaire(s) :** Le Tréport, Saint-Michel (abbaye)

**Genre d'acte :** charte

**Authenticité :** non suspect

**Datation :** 1235, janvier

**Action juridique :** confirmation

**Langue du texte :** latin

## Analyse

Confirmation à l'abbaye par Jean de Bailleul, chevalier, de la donation qui lui a été faite par Clément, curé de Bailly-en-Rivièvre, d'une mesure à Bailly

## Tableau de la tradition

### Éditions principales

- a. Laffleur de Kermaingant Pierre, *Cartulaire de l'abbaye de Saint-Michel du Tréport (ordre de Saint-Benoît)*, Paris, Didot, 1880, n° CXLVIII, p. 167.

Texte établi d'après a

Sciant presentes et futuri quod ego Johannes de Ballolio, miles, pro s[alute anime] mee et antecessorum meorum, concessi et confirmavi, in perpetua elemosina, ecclesie Beati Mich[aelis de] Ulteriori Portu, et monachis ibidem Deo servientibus, illud donum quod Clemens, presbiter de Basli, tunc decanus, fecit dicte ecclesie Beati Michaelis et dictis monachis, scilicet masagium suum de Basli integre cum ortulo subtus fossetum, in quo masagio dictus Clemens, presbiter, et Stephanus Canis manebant tunc quando ego concessi illam elemosinam fieri. Istud autem donum supradictum dicta ecclesia Beati Michaelis et dicti monachi tenebunt, in pura et perpetua elemosina, libere, integre et quiete ab omni exactione seculari, salvo censu meo sex denariorum monete patrie reddendorum annuatim a predictis monachis apud Basli michi et heredibus meis die Pasche, vel infra octabas Pasche, alicui meo homini manenti apud Basli, in feodo quod magister Hugo, frater dicti Clementis, presbiteri, vendidit Gaufrido, mili, patri meo ; neque propter aliquam rem dictus census extra feodium predictum reddetur. Et ut hec elemosina firma et inconcussa dicte ecclesie et dictis monachis in perpetuum permaneat, presens scriptum sigilli mei munimine roboravi. Testibus hiis : domino Hugone de Sancto Martino, domino Waltero de Hudelimont, militibus, Cossardo, filio dicti Walteri, militis, Gaufrido Cousin de Sancto Audoeno, Ricardo de Velli et pluribus aliis. Actum anno Domini M°. CC°. XXX°. quarto, mense januarii.